





明新安休養夜應...  
右則外...  
仁和縣...  
有緒武鄉文...  
故服又各...  
之...  
先...  
而後...  
食...  
先...  
於...  
分...

改...  
附木...



丹臺玉案卷之五

明新安休邑後學孫文胤對薇父參著

古潤外父江東銘懷一父較正


懷寧縣庠盟弟游必遠自邇父

全閱

仁和縣庠兄有緒武卿父

鼓脹門

附水腫



鼓脹又名單腹脹。以其中虛外堅。有似於鼓也。鼓脹之作。有得於食者。有得於氣者。有得於氣食兼併者。有先傷於色。而後傷於食者。有先傷於食。而後傷於



色者傷於食。則食不能消。而胃氣以窒。傷於氣。則肝經受病。而痞塞不通。傷於氣。食則肝家有餘。脾家不足。以有餘之肝木。尅不足之脾土。則氣愈結。而食愈不化。由是膨脹緊急。而病日益深矣。先得於食。而後傷於色。則脾先病。而腎繼之。中脘先脹。而後及於小腹。先得於色。而後傷於食。則腎先病。而脾繼之。小腹先脹。而後及於中脘。若氣與食色三者俱傷。則一齊而發。中脘小腹兩脇盡脹。此病之尤重者也。三者之中。又有虛實之分。虛者殼殼然堅而不痛。氣滿按之

則陷而軟。實者內挾宿食。或瘀血邪實於內。按之。不陷而硬痛。又有眼下忽如臥蠶狀者。必發水腫。然水何自而來耶。蓋人身真水真火。消化萬物。以養生脾土。虛弱則水流為濕。火炎為熱。濕熱鬱結。經絡濁腐。之氣津液與血。皆化為水。水積妄行。面目虛浮。流於膜外。遍身皮膚光腫。手按成窟。隨手而起。上則喘急。咳嗽者何也。蓋金生水。脾病則肺失降下之令。故喘嗽下。則足膝胛腫者何也。蓋腎主水。脾病則濕熱下注。故胛腫。陽水先腫上體。肩背手膊屬手三陽經也。



治宜辛寒散結行氣。苦寒瀉火燥濕。陰水先腫下體。腰腹脛胛屬足三陰也。治宜苦溫燥脾或辛熱導氣。故男從腳下腫起。女從頭上腫起也。逆陰陽微妙。欲知其死生何以斷之。曰鼓脹之病。臍滿者重。臍突者死。發熱者重。腹如牆壁堅硬者死。水腫之病。手心足心平滿者死。面黑肉硬腹多青筋者死。此斷死生之大訣也。大法治鼓脹者以實脾去濕寬膨利水為主。不可過於尅伐。治水腫者以行水為主而後補之。如此治法萬無一失矣。

脉云

脉宜浮大。忌沉細。經云水氣浮大得延生。沉細應當是死別。

立方

葫蘆酒

治單腹脹初起。一服立消。

苦葫蘆

一箇。去蒂如蓋。內盛老煮酒。原以蒂蓋上。隔水熬滾。乘熱飲酒吐利。後即愈。

舒中益元湯

治氣虛中滿。肚腹膨脹。朝寬暮急。肚

大筋青。

人參

白朮

土炒

肉桂

各一錢

萊菔子



厚朴

薑汁炒

澤瀉

各一錢二分

水煎溫服

實脾飲 治蠱脹不煩渴大便澹小便少不澀一切腫脹忌食鹽醬

檳榔

白朮

乾薑

大附子

草菓

各一錢

廣木香

白茯苓

厚朴

蒼朮

各一錢五分

水煎空心服

五子十皮湯

治一切蠱脹并氣虛中滿單腹脹

茯苓皮

草菓皮

牡丹皮

生薑皮

大腹皮

地骨皮

木瓜皮

木通皮

五加皮

各一錢

甘草皮

五分

大腹子

車前子

葶藶子

紫蘇子

兔絲子

各一錢二分

加燈心三十莖空心服

四炒枳殼丸

治氣血凝滯變成鼓脹

枳殼

四兩分作四處

一分蒼朮

一兩同煮乾炒

黃色去木

一分小茴香

一兩同煮乾炒黃色去

茴香

一分乾漆

一兩同煮乾炒黃色去漆一分



一分蘿蔔子 一兩同煮乾炒黃色去薊子。

香附 醋炒 檳榔 二兩 玄胡索 三稜 各一兩

右為末好醋同老米打糊為丸每服二錢空心白滾湯下。

換金丹 秘方 治一切鼓脹神效。

廣木香 青皮 醋炒 蘆薈 肉苳蔻 麵包煨

麥芽 炒 神麩 炒 山查肉 千金子 去殼浦各三兩

白木 土炒 黃連 各二兩 檳榔 一兩 沉香 七錢

黑蟬七隻洗淨入雄猪肚內紫口煮半熟取出去

蟬骨與腸再同煮極爛和前藥搗為丸每服五分

白滾湯送下加至一錢止如上膈脹白苳蔻湯下

下膈脹砂仁湯下此丸服後要合參苓白朮散間

服。方見脾胃門

珍珀活命丹 治單鼓脹。

牛黃 虎珀 珍珠 蟾酥

硃砂 各一錢 螻蛄 七箇 地鱉蟲 七箇

右為細末人乳為丸每服五分空心白滾湯送下

三丑奪命丹 治氣壅血壅大小便不通面足浮腫



肚大青筋。痰喘氣急。飲食不進。服此丸忌鹽醬房勞發物葷腥百日之外。

木通

香附

醋炒

大黃

草菓

炒

芫花

檳榔

澤瀉

去毛

紅芽大戟

小芽皂

甘遂

各一兩

黑丑

炒

白丑

生用各五錢

雷丸 三錢

右為末。以白酒醬同老米打糊為丸。每服三錢。白酒送下。瀉三四次。第二日服補脾丸藥。第三日又服一錢五分。看行下何物。如血蠱血下。氣蠱屁多。

水蠱水多。食蠱糞多。服此藥。如脹腫不消。以陳壁土煎水服之。即消散矣。

又方 治鼓脹小便不通。急脹如鼓。

石幹

五錢

琥珀

二錢

沉香

三錢

白檳榔

木香

各一錢五分

麝香

五分

螻蛄

即土狗二十箇

右為末。以白酒醬為丸。每服一錢五分。陳香圓湯送下。

神仙蒸臍法 治鼓脹服藥難於取效。內服換金丹。外用此法。方見噎膈門。



紫金錠 治鼓脹初起。薑湯磨服四錢。方見痰門  
秘效丸 治肚腹脹大小便短澀。臍凸氣喘夜不得  
臥。

橘紅

青皮

醋炒砂仁

枳殼

炒

桑白皮

草菓仁

炒檳榔

芫花

大腹皮

茯苓皮

厚朴

丁皮

炒

肉桂

炒南木香

蒼朮

米泔浸炒益智仁

各八錢

右為末。醋打麵糊為丸。體厚者五錢。體弱者三錢。  
第一服消上部。蔥湯下。第二服消中部。陳皮湯下。

第三服消下部。桑皮湯下。俱要五更時服。服後如  
未消。仍前湯引服之。重者六服收功。輕者不三服  
而愈。

婦人有氣鼓血鼓方與論並見婦人門

附水腫

水腫之病。有因鼓脹而得者。有不因鼓脹而得者。視  
其眼高起如臥蠶狀者。必發此症。論大法宜實脾利  
小水。寬膨去濕順氣。然病勢至此。則水氣用事。真氣  
無權矣。



立方

祛水飲 治腰已上腫身熱氣在表宜發汗而愈。

麻黃

去節

柴胡

各一錢

升麻

八分

防風

山查

各三錢

生薑五片煎服。

消腫湯

治腰已下腫小便不利。

猪苓

澤瀉

木通

車前子

葶藶子

各二錢

地骨皮

五加皮

生薑皮

海金沙

枳殼

各一錢

燈心三十莖空心服。

琥珀丸

治一切水腫小便不通大便溏瀉氣喘等症。

大戟

芫花

醋炒

海金沙

炒

白丑

微炒搗末水牛尿浸

焙乾各二兩

琥珀

八錢

黃連

酒炒

滑石

各一兩

肉桂

五錢

右為末以木通一觔煎濃湯法為丸每服二錢空

心白滾湯下。

扶脾逐水丸

治通身水腫氣望上逆小便竟無日

丹臺玉案

五卷

八



不能食。夜不能臥。

白茯苓 雲白朮

山藥

苦苧蔴

花椒目

巴戟

各五錢

黃連

黑丑

各八錢

北五味

二錢

海金沙

澤瀉

各一兩

右為末。荷葉煎湯為丸。每服三錢。空心白滾湯下。

尊重丸 治一切腫脹。小便澀。大便閉。並單腹脹。

沉香

丁香

人參

檳榔

廣木香

青皮

陳皮

枳殼

白芷

車前子

苦苧蔴

木通

赤茯苓

胡椒

海金沙

全蝎尾

白苳蔻

滑石

各三錢

蘿蔔子

八錢

郁李仁

一兩五錢

右為末。薑汁打糊為丸。每服二錢。空心白滾湯下。

治水腫。炤各經加藥法

如從陰腫起。其根在腎。加澤瀉。從面腫起。其根在

肺。加桑白皮。從四肢腫起。其根在脾。加大戟。從

背腫起。其根在膽。加雄黃。木通。從胃腫起。其根在

皮膚。加茯苓。從腹中腫起。其根在脾與胃。加花椒

目。從口脣腫起。其根在小腸。加巴戟。從脚腫起。



其根在心。加葶藶。從脇腫起。其根在肝。加芫花。從腰腫起。其根在胃。加甘遂。從臍腫起。其根在大腸。加薑皮。從頭目腫起。其根在心肺。加羌活。從膈至小腹腫起。其根在膀胱。加海金沙。

脇痛門

肝藏於內外。應乎脇。脇之所在。肝之所在也。所藏者血。所屬者怒氣。撲跌鬪毆。內傷乎血。敗血積蓄於肝。之分瘀而不流。則脇痛作矣。或有外觸惱怒。欲振而不得。伸鬱結不行。藏於肝部。則雖無瘀血。而亦痛矣。

然何以辨其爲血與氣耶。蓋瘀血作痛者。痛而不膨。按之亦痛。不按亦痛。其痛無時而息也。怒氣作痛者。痛而且膨。得噉則緩。已而復痛。其痛有時而息也。此非血與氣之辨乎。然有左脇痛。右脇痛。左脇痛甚者。必是肝火盛。木氣實。右脇痛甚者。必是痰流注。并食積。兩脇走痛者。必痰飲也。又有季脇作痛者。何也。蓋季脇兩肋稍之處。肝之下膽之位也。痛甚而下連小腹者。亦是瘀血。痛不甚而止於一處者。痰也。治此病者。審其所傷而治之。亦無不中矣。



脉云

脉沉氣滯血滑痰數熱兩脇疼痛脉必雙弦弦滿者  
順洪大者逆

立方

疎肝散瘀湯

治瘀血凝結兩脇刺痛

當歸

紅花

蘇木

青皮

柴胡

各一錢

山查

二錢

白芍

烏藥

桂枝

甘草

各八分

水煎熱服。

抑肝定痛飲

治怒氣傷肝脇痛。

廣木香

橘紅

青皮

柴胡

白芍

當歸

各一錢五分

官桂

六分

沉香

枳殼

各一錢

水煎熱服。

龍會丸

治肝火盛肋脇作痛。

當歸

龍膽草

山梔仁

炒

黃芩

酒炒

黃連

各一兩

大黃

酒蒸

蘆薈

青黛

各五錢

廣木香

三錢

麝香

五分

丹臺玉案

五卷

十一



右爲末。神麴三兩。打糊爲丸。每服二錢。薑湯送下。  
和肝飲 治脇下杠梗起一條作疼。

當歸

白芍

三稜

青皮 各一錢五分

大茴香

木香

枳殼

柴胡

砂仁 各八分

水煎不拘時服。

調肝飲 治季脇痛連小腹

當歸

川芎

烏藥

玄胡索

青皮 各一錢五分

柴胡

檳榔

廣木香

桃仁

去皮尖 各一錢

水煎熱服。

舒肝湯 治痰凝聚結兩脇脹痛夜不能臥。

白芥子

柴胡

青皮

各二錢

橘核

烏藥 各一錢五分

澹竹瀝 一鍾

龍膽草 一錢

生薑五片煎服

腰痛門

腎藏於內外應乎腰。腰之所在腎之所在也。惟房勞不節竭其真精則腎臟空虛而腰斯病矣。其痛悠悠

丹臺玉案

五卷

十二

腰痛



不已。而脉大者是也。衰老之人。無房勞而腰常痛者。亦因少壯之時。自恃雄健。斲喪真元。遺其病於暮年。也有瘀血腰痛者。因跌撲墜。及兩腰俱痛。日輕夜重。而脉澹者是也。有濕痰腰痛。因天陰久坐而發。或因膏梁而致。其脉或滑而伏是也。又有閃挫而得腰痛者。亦有腎虛無所憑依。一有閃挫。則腎離其故處。其脉實。此痛之所由作也。又有久瀉而得腰痛者。利盡其水。而真水亦涸。故也。又有腰重如帶五千錢者。何也。蓋腎屬水。其質本重。而又兼脾濕下注。濕與

水而同宮。水得濕而溢滿。此腰之所以重也。然但濕而不甚痛者。以腎水不收。故也。女人腰痛。少壯者多血滯。衰老者多血虛。產婦臨蓐。而先腰痛者。乃胞系欲脫於腎。故也。治此病者。審其虛實。而施治無不中矣。

脉云

腰痛之脉。多於沉弦。沉爲氣滯。弦爲損腎。濡細傷濕。澹爲瘀血。滑乃痰火。洪大腎虛。脉帶沉滑。易痊。

立方



立安飲 治腎虛腰痛。

杜仲 鹽水炒 黃栢 炒

破故紙 炒 人參

兔絲子 牛膝 各一錢五分

白茯苓

當歸 川芎

生地 各二錢

水煎臨服加鹽三分。

散痛飲 治瘀血所滯兩腎作痛。

烏藥 玄胡索

杜仲 鹽水炒 桃仁 去皮尖各一錢五分

青皮 柴胡

穿山甲 牛膝

紅花 各一錢 甘草 二分

加生薑三片煎服。

調榮湯 治閃挫腰痛。

當歸 生地 各三錢

官桂 一錢 烏藥

紅花 陳皮

白芍 酒炒各二錢

水酒各一鍾煎服。

祛濕湯 治腰痛重墜如帶數千錢者內有濕熱也。

澤瀉 黃栢

白茯苓 木通 各一錢

防己 蒼朮

杜仲 破故紙 各一錢六分

生薑三片煎服。



奇妙丸

治婦腰痛。血凝氣滯。經水不調。腎經虛極。

當歸 酒洗

白芍

酒炒

杜仲

各二兩

廣木香

肉桂

玄胡索

牛膝

各一兩

破故紙

炒

甘草

炙

桃仁

去皮

生地

川芎

各一兩

右爲末。蜜丸。每服三錢。空心白酒送下。

煨腎丸

治腎虛腰疼。

杜仲

鹽水炒三錢

錢爲末

用猪腰子一枚。批作五七片。以

椒鹽醃去腥水。摻末在內。以荷葉包裹。外加濕

紙三四重。放灰火中煨熟。熱酒送下。

腎着湯

治腰痛。體重。腰冷如冰。

白茯苓

甘草

各二錢

白朮

三錢

乾薑

炒黑一錢五分

加黑棗五枚。空心服。

青蛾丸

治一切腰痛。腎虛血少。痛時腰冷寒邪凝

滯。氣血不和等症。

草薺

四兩。分作四分。鹽水童便炒。

杜仲

薑汁炒

胡桃肉

去膜另研

各八錢

補骨脂

四兩酒浸

右爲末。蜜丸。每服三錢。空心青鹽二分。酒送下。

神功散

治一切腰疼。不論腎虛血滯。閃挫立效。



杜仲 四兩童便  
二碗煎乾

橘核 一兩五錢  
同杜仲炒

黃栢 五錢炒  
令褐色

右爲末。每服三錢。空心酒調下。

腰痛曲不能轉者。針人中立愈。

泄瀉門

泄者如水之泄也。勢猶紿緩。瀉者勢似直下。微有不  
同。而其爲病則一。故總名之曰泄瀉。要其致病之由  
皆內傷飲食。外感寒濕。脾土受傷。不能運化。以致陰  
陽不分。漏滲人腸。而病斯作矣。然亦有先感怒氣。而

後傷飲食者。有先傷飲食。而後感怒氣者。有適值飲  
食之間。而忽發暴怒者。有憂鬱內結。而含悲以食者。  
有飲食後。卽入水洗浴者。有飲食未久。復飲食者。凡  
此皆足以成其病。善調攝者。不飢不食。不渴不飲。喜  
怒有節。不使太過。何至有泄瀉之患哉。大抵泄瀉與  
下痢。皆脾家之疾。而受病之新久不同。故勢有輕重。  
而治之有難易也。然果何以知之。蓋宿食停於中。得  
濕熱而始變。則有赤白諸般之色。而爲下痢。此受病  
已久。故有積而無糞也。飲食過飽。挾濕而不盡化。則



大便通痢。無裏急後重之苦。而為泄瀉。此受病未久。故有糞而無積也。此泄痢之別。用藥者其可以槩施乎。諸痢多熱。而寒者少。諸瀉多寒。而熱者間或有之。惟完穀不化。屬於客熱在脾。火性急速。不及傳化而自出也。然亦有脾寒不能運而完穀不化者。此其常也。治此病者。當視其小便之赤白。察其脉之洪數沉遲而已。小便赤脉洪數。則為熱。小便清脉沉遲。則為寒。不可不辨也。

脉云

沉遲寒侵。沉數火熱。微小者生。浮弦者死。

立方

調脾除濕湯

治濕氣傷脾。久瀉不止。中氣下陷。小便黃赤。腹微作脹。

升麻

柴胡

防風

麥芽

各一錢

蒼朮

陳皮

猪苓

澤瀉

半夏 各一錢二分

木通

羌活 各八分

水煎溫服。

十珍散 治一切脾瀉。久久不愈。元氣虧傷。脾胃虛。

丹臺玉案

五卷

十七



弱。面黃肌瘦。飲食減少。

薏苡仁炒 宿砂 山藥炒 蓮子去心各一錢

白木土炒 白茯苓 人參 黃耆蜜炒

白扁豆各一錢二分 北五味二十粒

水煎溫服。

五苓散 治泄瀉小便赤澀并霍亂吐瀉。

白茯苓 澤瀉 猪苓各二錢 白木八分

肉桂五分

燈心三十莖食前服。

肉苳蔻散 治脾胃虛弱。腹脇脹滿。水穀不消。臍臑

冷滑。

川烏 柯子 肉苳蔻 小茴香

乾薑 肉桂各八分 甘草 厚朴

陳皮 蒼朮各二錢

棗二枚。薑三片。食前服。

立效飲 治脾經濕熱作瀉。

白茯苓 車前子 木通各二錢 黃連一分

澤瀉 蒼朮各一錢



燈心三十莖煎服。

立愈飲 治過傷生冷以致脾胃不和嘔吐泄瀉

草菓仁

肉苳蔻

麪包煨 各一錢

紅麴

炒

山查

各一錢 五分

蒼朮

米泔浸炒

白茯苓

去皮

澤瀉

厚朴

薑汁炒

木通

益志仁

炒

藿香

車前子

各八分

生薑三片食前服。

扶元湯

治脾胃久虛泄瀉不止神思倦怠飲食少

進四肢酸軟

人參

白朮

各二錢

石斛

白茯苓

各五分

錢

肉桂

一錢

升麻

一錢

山茱萸

黃連

各一錢

二分

加棗二枚食前服。

諸般所傷作瀉暨各經泄瀉引經錄後

如傷肉食瀉以山查為君佐以蓬朮三稜枳殼黃連

如傷麵食瀉以萊菔子為君佐以枳實黃連麥芽神

麴檳榔草菓 如傷生冷瀉以肉桂為君佐以乾薑

檳榔萊菔子陳皮枳殼 如傷油膩瀉以蒼朮為君

佐以滑石茯苓陳皮厚朴炙甘草白朮神麴 如傷



米食瀉。以麥芽為君。佐以神麴。陳皮。蒼朮。三稜。枳  
實。黃連。如傷於酒瀉。以消食藥中加消酒之藥。如  
葛粉。菜菔粉。天花粉。黃連。山查。如傷於暑瀉。以香  
薷。黃連為君。佐以車前子。滑石。茯苓。木通。厚朴。扁豆。  
直腸自下者。名曰洞泄。以白朮為君。佐以五味子。訶  
子。肉蓯。牡蠣。粟殼。  
每朝登廁澹滑者。名曰脾泄。以白朮為君。佐以煨薑。  
大棗。茯苓。炙甘草。  
久泄腰痛者。名曰腎泄。以白朮杜仲為君。佐以茯苓。

人參。肉蓯。訶子。五味子。

泄瀉兩脇痛。名曰肝泄。以芍藥為君。佐以白朮。茯苓。  
蒼朮。厚朴。青皮。甘草。

當泄時又閉而不下。及所下者多白沫而有聲。乃風  
泄。以防風為君。佐以蒼朮。厚朴。陳皮。甘草。白朮。茯苓。  
灸法。治吐瀉日久。服藥不效。垂危之極。

天樞二穴。在臍傍各周二寸。灸五十壯。  
氣海一穴。在臍下一寸五分。灸五壯。

秘結門

秘者氣之閉也。結者糞之結也。氣閉則攻擊於腸胃。

秘結



而瘀塞於臍門。欲下不下。雖努力以伸之。而難於通暢。甚至有肛下者。糞結則乾澀硬多。轉失氣而小腹結痛。欲下不下。甚至有肛門燥結而瀝血者。秘而不結。雖不通利而不甚艱難。結而不秘。雖不滋潤而不甚費力。惟秘結兼至。難中之難也。少壯之人多患秘。以其氣有餘而不及轉運也。衰老之人多患結。以其血不足而大腸乾燥也。又有所謂風秘者。常欲轉失氣。而氣終不洩。肛門壅塞。努力伸之。則有聲如裂帛。而糞又不下者。其根始於傷風咳嗽。咳嗽將愈。而此病卽發。以肺大腸相爲表裏。風入於肺。而傳病於大腸故也。脉經曰。尺脉見浮。風入肺。大腸乾澀。秘難通。非此之謂乎。大法秘者。調其氣。結者。潤其血。而秘之得於風者。卽於調氣潤血藥中。加去風之劑。則得之矣。

脉云

燥結之脉。沉浮勿疑。熱結沉數。虛結沉遲。若是風結。右尺浮洪。

立方

丹臺玉案

五卷

三



調氣飲 治氣閉結滯。大便不通肚腹急脹。

廣木香 檳榔 枳實 蘇梗

青皮 陳皮 各二錢 玄明粉 四錢

水煎臨服。加蜜一兩熱服。

潤腸湯 治血枯糞結

當歸 三錢 知母 麥門冬 桃仁

麻仁 蘇子 生地 各一錢

水煎食前服。

通暢飲 治一切閉結枯燥之極

麻仁 研為泥 桃仁 去皮尖 杏仁 去皮尖 當歸

滑石 各一錢五分 瓜蒞仁 去殼 郁李仁 去殼

玄明粉 陳皮 枳殼 各二錢

水煎臨服入蜜一兩熱服。

祛熱湯 治火結。

大黃 三錢 黃連 厚朴 桃仁

朴硝 各二錢

水煎不拘時服。

牛黃丸 治一切閉結並痢疾後重。



黃連酒炒五兩 廣木香 檳榔各三兩 大黃一兩

當歸 黑牽牛一觔。炒熟。取頭末。各四兩。

右為末。生蜜為丸。每服三錢。白滾湯下。

如意湯 治風閉結

防風 蘇紫 當歸 枳殼

桃仁各一分 廣木香 荆芥

玄明粉 山查各二錢

蔥白五根煎服。

立通飲 治內有積熱閉結不通。

黃芩三錢 石膏煨五錢 黃栢 山梔仁

麥冬各一錢 玄明粉 桃仁各二錢

水煎不拘時服。

搜風順氣丸 治老年血枯大腸乾燥結硬難解。並

治肢節頑麻手足癱瘓氣血不和積熱不散。

大黃十兩酒浸九蒸九曬 火蘇仁去殼炒 山藥

車前子 牛膝酒洗 檳榔 郁李仁去皮殼

枳殼麩炒各四兩 獨活 兔絲子酒煮搗各三兩

右為末蜜丸。每服三錢。清茶送下。



淋閉門

附轉胞

附不禁

小便滴瀝澀痛者謂之淋。小便急滿不通者謂之閉。淋症有五。氣砂血膏勞是也。其感不一。或因房勞。或因忿怒。或飲醇酒。或食厚味所致。房勞者。陰虛火動也。忿怒者。氣動生火也。醇酒厚味者。蓄成濕熱。流於下焦。所以小便淋瀝欲去不去。不去又來。而痛不可忍。甚者閉塞。則令人悶絕矣。皆屬於熱間。有挾冷者。必先寒戰。而後溲便。蓋冷氣與正氣交爭。冷氣盛則寒戰而成淋。正氣盛則寒戰解而得便溺也。治宜清

熱利小便。開鬱行氣。破血滋陰。至於調平心火。乃治淋閉之綱領也。又分在氣在血而治。以渴不渴辨之。如渴而小便不利者。熱在上焦。氣分宜清熱。不渴而小便不利者。熱在下焦。血分宜滋陰養血。又云。腎經陰虛而不利者。用八味地黃丸。熱結膀胱而不利者。用五淋散。元氣虛而不能輸化者。用補中益氣湯。脾肺之氣燥而不能化生者。用通淋琥珀丸。若轉筋便閉。氣喘不問男女孕婦。急用八味丸。緩則不救矣。

脉云

淋閉



舉要曰。淋病之脉。細數何妨。少陰微者。氣閉膀胱。陰人見之。陰内生瘡。大實易愈。虛瀉其亡。又云。鼻頭色黃。小便必難。脉浮弦。瀉見於左尺。

立方

加味八正散 治氣滯淋澀。初起莖中作痛。

車前子 瞿麥

扁蓄

滑石

生甘草 各一錢五分

山梔仁

木通

大黃 赤茯苓

黃栢 各一錢

燈心三十莖空心服。

通淋琥珀丸 治砂石淋。莖中澀痛不可忍。

琥珀 三錢 鱉甲 五錢

滑石

黃連 各八錢

石首魚腦骨 三對 煨

牛膝 八兩 熬膏

右為細末。以牛膝膏為丸。每服二錢。空心清茶下。

當歸飲 治血淋。

牛膝 蒲黃

當歸

黃連

生地 各二錢 麥冬 去心

木通

扁栢葉 微炒

山梔仁 各一錢

燈心三十莖食前服

丹臺玉案

五卷

五



鹿角霜丸

治膏淋。溺與精並出。混之如糊。如米泔

者。

鹿角霜四兩 白茯苓三兩 秋石二兩 海金沙二兩

右為末。老米糊為丸。每服三錢。空心白滾湯下。

苓珀丸

治勞淋。遇勞即發。痛墜及尻。

當歸 白茯苓 白芍 川芎

生地各二兩 琥珀一兩 鹿茸一對 木通六兩

右為末。以木通湯為丸。每服二錢五分。空心白滾

湯送下。

清肝散 治肝經氣滯。積熱而淋。莖中刺痛如刀割

車前子 黃柏各三錢 甘草稍 青皮各一錢

木通 澤瀉各二錢

燈心三十莖。空心煎服。

補中益氣湯 治中氣虛弱。不能運通水道而淋。

黃耆 人參各二錢 甘草 白朮

當歸 柴胡各一錢二分 升麻三分 陳皮八分

水煎空心服。

清心蓮子飲 治上盛下虛。心腎不交。血虛內熱。淋



澀作痛。

麥門冬

石蓮子

赤茯苓

車前子

各一錢二分

黃耆

地骨皮

黃芩

人參

各一錢

甘草 三分

燈心三十莖空心煎服。

五淋散

治腎氣不足膀胱有熱水道不通淋瀝不斷或尿如豆汁或出砂石或下膏糊或便鮮血。

當歸

小蘗

赤芍

山梔仁

炒黑

赤茯苓

各二錢

甘草

八分

燈心三十莖空心煎服。

八味丸

治腎虛淋瀝莖中澀痛或時作癢

熟地

四兩

山藥

炒

澤瀉

去毛

山茱萸肉

丹皮

各二兩

白茯苓

三兩

黃耆

鹽水炒

知母

鹽酒炒各二兩五錢

右為末蜜丸每服三錢空心鹽湯送下。

滋腎丸

治腎經不足內熱閉固諸火不能升降雖

不甚渴而小便不利淋澀作痛。

黃耆

薑水炒

知母

鹽酒炒

白芍

酒炒

麥門冬

去心

白茯苓

去皮

人參

各二兩

枸杞子

鱉甲

羊酥炙



天門冬去心 生地 山茱萸去核 牛膝各一兩

甘草八錢

右為末蜜丸每服三錢空心鹽湯送下。

附轉脬

脬下併急而痛小便不通有因熱逼或強忍小便以至氣逆者。

立方

通利運轉湯 治脬轉內熱。

寒水石 車前子 木通 滑石各二錢

麝香三分

淡竹二十片空心煎服。

補中益氣湯 治忍尿行房。方見前

葵髮散 治婦人脬轉。

頭髮煨灰 冬葵子炒各等分

右為末每服一錢燈心湯下。

神仙蒸脬法 治脬轉立刻見效。方見壹膈門

附不禁

小便不禁古方多以為寒殊不知屬熱者多蓋因膈

轉脬不禁

呼臺玉案

五卷

二天



脫火邪妄動。水不得寧。故不能禁。而頻數來也。

立方

清勝丸 治一切不禁

當歸

生地

丹皮

白茯苓

各三兩

山茱萸

去核

北五味

牡蠣

蓮蕊

黃栢

益智仁

知母

各二兩

右為末蜜為丸。每服三錢空心白滾湯下。

便濁門

附遺精

便濁濕熱兼痰。分有餘不足。治之恣意膏梁濁氣下

注者。此為有餘。思慮淫慾。精元失守。而成濁者。此為不足。赤者濕熱甚。心與小腸主之。白者濕熱微。肺與大腸主之。然古人有謂思慮過者則赤。淫慾過與痰者則白也。遺精比夢遺猶甚。或小便後出多不可禁。或不小便而自出。或莖中出而癢痛。常如欲小便者。皆因思慮過度。以動君火。君火動則相火翕然而起。所以激真水而疎泄也。有因色慾太過。泄滑不禁者。其為熱症明矣。

脉云



兩尺脉洪數。必便濁遺精。如女人尺脉濇而弱者。或洪數而促者。皆爲白帶心脉短小。因心虛所致。必遺精便濁。

立方

分清飲 治內有濕痰濕火赤白混濁。

陳皮

半夏

各一錢五分

白茯苓

草薢

木通

各二錢

山梔仁

澤瀉

各一錢

燈心三十莖空心煎服。

又方 治思慮過度真元不足下焦虛寒便溺滲瀉。

猪苓

澤瀉

白朮

白茯苓

各一兩

肉桂

三錢

遠志

酸棗仁

石蓮肉

天門冬

麥門冬

栝子仁

甘草

人參

各五錢

硃砂

三錢

右爲末蜜丸。硃砂爲衣。每服三錢空心白滾湯下。

導赤散 治赤濁。

當歸

白芍

生地

川芎

各五錢

甘草

半夏

陳皮

白茯苓

檉白皮

各四錢

青黛

滑石

各三錢

丹臺玉案

五卷

三十



右爲末。每服二錢。空心燈心湯下。

清心益元飲 治一切白濁神效。

石蓮肉 川草薺 赤茯苓 石菖蒲 各一錢

遠志 麥門冬 黃栢 地骨皮

人參 滑石 各八分 甘草 二分

燈心三十莖。淡竹葉十片。空心煎服。

附遺精

立方

固精丸 治思慮憂愁。或酒色過度。上盛下虛。真元

不足。精關不固。陽事易舉。遺精無夢。

牡蠣 煨 黃栢 鹽酒 知母 鹽水 鹿茸 甘草泡

白茯苓 芡實 炒 蓮蕊 各二兩 山茱萸肉

龍骨 煨 各一兩 硃砂 五錢 山藥 炒 四兩

右爲末。以山藥打糊爲丸。硃砂爲衣。每服三錢。空

心鹽湯送下。

四妙丸 治精不固

韭菜子 炒 兔絲子 各四兩 牡蠣 煨 人乳 淬

龍骨 煨 各二兩



右爲末。荷葉煎湯爲丸。每服三錢。空心鹽湯送下。

疝氣門

疝氣俗名小腸氣。其實非小腸也。其所屬者厥陰肝經也。人之一身。惟兩脇與小腹。以至陰囊。辜丸。皆統於肝。肝主筋。而脈循陰器。陰器者筋之宗也。人因醉飽勞役。房慾忿怒。等動火。火鬱之久。濕氣生焉。使濁液凝聚。并入血隊。流於肝經。肝火急速。又暴爲外寒。所來。是以作痛。甚至有上升入腹者焉。若寒作寒論。恐爲未備。大要熱者遇熱則發。二便赤澀。小腹肛門

俱熱。外腎累垂。玉莖挺急。六脈洪數。寒者遇寒則發。二便皆利。脇腹清冷。外腎紫縮。六脈沉細。又有冷熱不調者。外腎小腹。或冷或熱。二便或閉或利。又其痛走注無形者。屬氣痛。有常處有形者。乃濕痰食積。瘀血下聚而成也。按之不痛者。屬虛也。又有脇傍動氣。或時脹起。橫入陰處。響如蛙聲。而下墜者。亦寒疝也。至於感濕而成者。一丸漸大。一丸漸小。而小者。或至於消盡。皆併於大者而成。獨丸焉。其冷如冰。其硬如石。至大如鵝卵。沉沉而痛。上連小腹。筋脈牽引。坐臥



不得安。乃肝木得濕。暢茂條達。如樹得地氣。易於長成。此爲濕疝也。又有身體發熱。陰囊脹大。皮破水流。痛不可忍者。乃得之於房勞。因婦人不潔。穢水侵淫。熱氣蒸染所致。此爲勞疝也。又有身體發熱。耳後忽生疥腮。紅腫脹痛。疥腮將退。而睪丸忽脹。一丸極大。一丸極小。有似乎偏墜。而非偏墜也。蓋耳傍乃少陽膽經之分。與厥陰肝經相爲表裏。少陽感受風熱。故疥腮忽生。後又遺發於肝經。故疥腮既減。而睪丸卽大。此亦熱疝也。又有陰囊大如斗。陰莖反縮於內。小

三刺雙疝

能通快。行履滯礙。不能輕捷者。非疝也。乃

膀胱受之。氣化則能出矣。惟腎虛爲邪所客。遺病於膀胱。膀胱受邪。氣閉而下墜。小便滲入陰囊。日積月累。故脹大如斗也。治此病者。以伐腎邪爲主。若夫小兒偏墜。當以食積治。蓋食積不消。脾濕下行。流入肝部。故成此症。豈以大人之疝治之。至於婦人小腹兩邊。逼近陰處。忽然併結。脹痛。或皮內頂起。如鴛子大者。乃寒氣聚於厥陰所致。小腹受寒氣。其病卽發矣。



是之謂陰疝。熟謂婦人無疝乎。大法以熱治寒。以燥治濕。以活血治勞。有食積則散之。有邪則伐之。有寒則祛之。斯得之矣。

脉云

疝脉弦急。積聚在裏。牢急者生。弱急者死。沉遲浮瀼。疝瘕寒痛。痛甚則伏。或細或動。脉經云。肝脉大急與沉皆為疝。

立方

二陳雙核飲 治疝氣。遇勞祿風寒即發。外腎腫大。

墜痛。

陳皮

青皮

醋炒

橘核

炒

荔枝核

炒

二錢

甘草

五分

乳香

白茯苓

半夏

沒藥

大茴香

各八分

生薑五片煎服

一醉散

治寒熱不調以致疝氣。

青皮

小茴香

陳皮

青木香

荔枝核

橘核

大茴香

各一錢五分

青鹽

五分

丹臺玉案

五卷

三



生薑五片不拘時服。

七聖飲 治疝氣遇熱即發并非臌腫邊忽患偏墜者。

山梔仁 冬葵子 青皮 各二錢 黃栢

猪苓 赤茯苓 大黃 各一錢五分 酒蒸九次

燈心三十段食前服。

薑桂湯 治疝氣遇寒即發。

吳茱萸 肉桂 乾薑 橘核

青皮 荔枝核 甘草 等分

薑五片煎服。

神速飲 治疝氣走注疼痛無有形積。

陳皮 青皮 香附 各一錢 柴胡

川楝子 廣木香 破故紙 甘草 各一錢五分

生薑五片煎服。

削堅飲 治疝氣時常在一處疼痛有形內有積瘀者。

山查 玄胡索 桃仁 檳榔 各一錢五分

昆布 海藻 青皮 烏藥 各一錢二分



生薑三片。臨服加酒一杯。

補腎湯 治疝氣內中虛寒者。

羌活

黃耆

大附子

便製

木瓜

各二錢

川芎

沉香

磨

蘇葉

白朮

白茯苓

人參

甘草

各二錢

水煎不拘時服。

蟠葱散

脾胃虛冷氣滯不行。膀胱外腎受寒。偏大不消痛連心腹。并治婦人血氣刺痛。

乾薑

玄胡索

白茯苓

丁皮

各一兩

莪朮

三稜

青皮

宿砂

各八分

肉桂

蒼朮

甘草

各五錢

右為末。每服三錢。空心酒調下。

祛濕止痛飲

治疝丸一大一小。疼痛不可忍。者此濕疝也。

濕疝也。

蒼朮

防己

白朮

各一錢五分

官桂

澤瀉

烏藥

木通

橘核

葶澄茄

各一錢

水煎食前溫服。



橘桂湯

治陰囊腫大皮爛水流者勞疝也。

當歸

紅花

白芍

大茴香

木通

各一錢二分

黃栢

青皮

橘核

桃仁

官桂 各八分

水煎不拘時溫服。

檳沉飲

治婦人小腹近陰之處結聚脹痛或皮內

頂起如鷄子大者陰疝也。

檳榔

沉香

磨水

官桂

廣木香

各一錢磨水

大腹皮

青皮

香附

小茴香

各一錢五分

生薑五片煎服。

疝疾靈丹

治一切疝疾疼痛并陰囊大如斗小便

淋漓。

澤瀉

一觔分作四分童便鹽水醋酒各浸七日放日中曬乾炒。

吳茱萸

二兩炒

右為末老米打糊為丸每服三錢空心鹽湯下。

股痛門

附脊痛

股居一身之下。衆陰之所歸。而其所以作痛者。三經受病也。足太陰脾經主肉。足厥陰肝經主筋。足少陰

丹臺玉案

五卷

三十七

股痛



腎經主骨。脾經受濕。下流於肢。則肉酸疼。肝經受寒。下及於肢。則筋攣急痛。腎經受寒。下注於肢。則骨髓冷痛。其痛各有所屬也。而可以一槩治之乎。設使筋攣急痛。悞以爲濕。而用燥劑治之。則燥盡其血。而筋失所養。其痛愈甚。必投以養血之劑。則筋自舒。而不攣急矣。使骨髓冷痛。悞以爲濕。而用燥藥治之。則燥盡其髓。而骨空虛。其空愈加於痛。必投之以補髓之劑。則骨氣充。而無所苦矣。使肉內酸痛。單用熱藥。而不用燥劑。肉得熱而融活。固有微效。而濕留於中。何時而去。必以熱藥爲向導。而以燥劑君之。以血藥佐之。則濕可去。而血亦不枯。此萬全之法也。若婦人產後。或患肢痛。乃惡血流於經絡也。要當以熱藥爲向導。而以活血之劑君之。以行氣之藥佐之。則愈。若悞以爲濕。而投燥劑。則不惟肢中之血易乾。而一身之血亦病矣。若悞以爲寒。而投熱藥。則血得熱而行。猶爲度幾然。大熱之劑。亦未可輕用。慎之慎之。

脉云

肢痛之脉。沉遲者多。浮大因風熱。



立方

舒筋調榮湯

治一切肢痛神效。

當歸

肉蓯蓉

川芎

各三錢

牛膝

人參

威靈仙

紅花

各一錢

生地

二錢

丹皮

沉香

各八分

黑棗二枚。食前服。

蠲痛神異膏

治一切肢痛立效。

松脂

三觔。入鍋化開。瀘入水中取起。再入鍋慢

煉。不住手攪待乾為度。入猪油半觔。再煉少頃。入乳香。沒藥。各三兩。麝香。一兩。攤貼患處神效。

洗法

肢痛洗三四次即住。

鳳仙草

一大束  
搗爛

蒼朮

半觔

防風

荆芥

各五兩  
搗爛

水煎以舊衣服浸湯內搭其痛處立效。

和榮湯

治兩肢上連腰膝疼痛。

牛膝

杜仲

天門冬

麥門冬

黃栢

人參  
各一錢

烏藥

當歸

白芍

沉香

青鹽

各八分

水煎溫服。



附脊痛

背脊乃腎脉所貫屬太陽經。其所以作痛者。乃房勞過度。不惜勞力。脊虛髓空所致。若為賊風乘虛而入。即時咽強。不能屈伸也。

立方

桂附湯 治脊痛筋攣急服。乃血受寒。

大附子

肉桂

各二錢

川芎

五錢

白芍

生地

當歸

木瓜

各一錢五分

水煎溫服。

散濕飲

治脊內酸痛。

白朮

蒼朮

防已

防風

茯苓

各一錢

官桂

天麻

當歸

各一錢五分

水煎臨服加酒一杯。

虎兔丸

治骨髓冷痛。背脊酸疼。神効。

虎骨

二兩羊酥炙

天門冬

去心

麥門冬

去心

破故紙

炒

玄胡索

各一兩五錢

杜仲

鹽水炒

大附子

便製

兔絲子

酒煮

香附

醋炒

廣木香

各一兩

右為末。入雄猪脊髓一條。同蜜搗丸。每服三錢。空



心酒下。

婦人科

乾道成男而坤道成女故男爲陽而女爲陰也。氣屬乎陽而血屬爲陰故男多氣而女多血也。陽輕清而陰重濁故氣無形而血有形也。氣惟無形故充滿於中而不露血惟有形故流溢於外而可見也。然是血也以其初而言之卽先天真一之水女子十四天癸至則源泉之通自此而始其往來有信如潮汐之不愆其期然後血脉調和而病無由生一失其期便能

作疾而生育之機亦因以窒矣。故治女病者以調經爲先而善調經者以順氣爲主氣順則經自調經調則血常足是以月事旣正新血一生一交媾之間而胚胎卽結血少精多則精裹血而成男血多精少則血裹精而成女欲得子者於月事初止之後三日之內新血始生而氣猶清交感而成胎者必男也三日之外新血漸多而氣已濁交感而成胎者必女也其有交感於三日之外而亦生男者必其平素血氣不盛而其來不濁故也其有交感於三日之內而亦生



女者必其平素血氣太盛。而其來不清故也。其有血氣未嘗不足。而月事又調。宜乎成胎也。而久不生育者。何也。是必男子精氣不稠。或精寒不相交結故也。而非女子之病也。其有男子精氣素充。而又無子者。是必女子子宮之寒。不能攝精故也。而非男子之病也。然何以知了宮之寒哉。蓋女子尺脉常盛。若沉細而遲。如無所動。則子宮之寒可知矣。其有子宮不寒。而亦無子者。必其血不足。或痰有餘故也。然果何以知其血之不足。痰之有餘哉。亦視其形之肥瘦而已。

蓋瘦人多血虛。血虛則不能凝精。肥人多濕痰。濕痰流注於下焦。則痰與血混淆。而化氣不清。故亦不能凝精也。其有瘦人肥人。而亦未嘗無子者。又何也。蓋瘦人多血虛。道其常也。若月事既調。而無熱症。則血常滋潤而不枯。是以能生育也。肥人多濕痰。亦道其常也。然或肌肉不甚浮。而色不甚白。飲食無厚味。則濕痰亦少。而血氣常清。是以亦能生育也。由是觀之。則女子之血實。所以宰生生化之機也。方其未成胎也。則此血周流而不息。應期而至。及其既成胎也。



則此血榮養於內以護其胎。今婦人初有孕。卽頭眩惡心。或發嘔吐。多厭飲食。而常思酸者。乃足厥陰肝經養胎也。肝主風。故頭眩。肝有餘。則惡心嘔吐。肝勝脾。故多厭飲食。肝喜酸。故常思酸也。過此則諸經輪次養胎。其七八月之間。兩足浮腫者。足太陰脾經養胎也。脾注四肢。故兩足浮腫也。兩手不浮腫而獨見於兩足者。何也。蓋脾本足之陰經。況此時胎氣已墜下。故不能不見於兩足也。每一月則一經養之。十箇月則十經養之。十月滿足而後產焉。其餘二經則又

養於既產之後。而化血化乳汁矣。是乳汁亦血也。而其色白者。何也。蓋胃前部倍屬太陰肺經。乃西方庚辛金也。金色本白。血從陰分而來。故變赤而爲白也。凡血去多。則令人虛。今乳汁既爲血。亦不宜去多也。然其來也。恒有餘。其出也。無盡。止足以飲小兒。而其母不覺其虛者。何也。蓋人身之血。皆資於飲食以生者也。飲食入胃。游溢精氣。上輸於肺。從肺之部位而出。故成乳汁。婦人既產。而飲食倍於常日。既產之後。又屬足陽明胃經養之。乳傍屬陽明。故乳汁多受於



此處胃能化飲食。飲食能生血。飲食既足。則血亦足。血既足。則其化爲乳汁也。自無窮盡矣。何至令人虛乎。甘屬胃。故乳汁亦甘。白屬肺。故乳汁亦白。是以知既產之後。乃肺胃二經養之也。小兒二三歲。其母復有姪兒。飲乳。卽黃瘦泄瀉者。以乳汁味酸。正足厥陰肝經養胎之日。肝能尅脾。故兒飲之。卽瀉也。當此之時。肺經失令。胃土無權。則所以滋養乎血者。已無所籍。幾何而不爲兒之病哉。此特論胎前產後之事。而原其本於血。歸其功於十二經耳。若夫胎前產後之症。又各具於諸症條下。而不及一一細論云。

月信不調

衝爲血海。任爲胞絡。腎氣全盛。二脉通流。經血豐盈。應時而下。謂之月水。乃和平之氣。常以三旬一見。像月盈而虧。不失常度之謂。如期外爲血氣所干。內爲七情所鬱。於是。有經病焉。然經病亦有不同。有月候不調者。有月候不通者。而不調不通。有兼發熱者。有兼發熱者。此分爲四也。然四者之中。若細推之。不調有趨前。有退後。不通有血滯。有血枯。疼痛有常時。作



痛有經前經後作痛。發熱有常時發熱。經行發熱。此又分爲八也。又有先期而來者。血熱也。其色紫者。亦血熱也。紫黑有塊。熱之甚也。後期而來者。血虛也。其色淡者。亦血虛也。或先或後。色淡而稠粘者。痰也。或止或來無定期者。因氣不調。故血亦隨之爲行止也。或一月兩至。或數日一至。不可以月論者。氣虛血熱也。或經來之後。累數日而不能止者。乃血海脫滑。兼火有以動之也。既止之後。隔三四日而復見。微血者。以舊血未盡。爲新生之血所催。故不能容而復出也。

可隨症施治之。

脉云

凡婦人脉常欲濡弱於丈夫。惟尺脉盛而右手大。是其常也。反此是逆。

立方

溫經湯 治婦人衝任虛損。月事不調。行經作痛。腰疼。腹冷。久不受胎。崩漏去血。

- 當歸
- 赤芍
- 肉桂
- 川芎
- 人參 各一錢
- 莪朮
- 牛膝

丹臺玉案

五卷

四十五



丹皮

甘草

各一錢

生薑五片。空心煎服。

涼血四物湯

治月信先期而來及紫黑色者。

當歸

黃連

山梔

香附

槐花

川芎

白芍

生地

各一錢

各二錢

燈心三十莖。空心服。

調榮四物湯

治月信過期而來及其色如淡紅水者。

者。

熟地

當歸

各二錢

北五味

蘄艾

香附

敗龜板

各一錢 酥炙

麥門冬

八分 去心

大棗二枚。空心服。

調經固榮湯

治月信色淡而稠粘。肚腹疼痛。

白茯苓

橘紅

烏藥

香附

枳殼

各八分

當歸

白芍

宿砂

熟地

半夏

各一錢 二分

大棗五枚。食前服。

琥珀散

治月水凝滯。腹脇脹滿。疼痛并血逆攻心眩暈。



琥珀 烏藥 蓬朮 劉寄奴

白芍 各五錢 肉桂 二錢 丹皮 當歸

生地 玄胡索 各八錢

右為末。每服三錢。空心砂仁湯調下。

珍寶飲 治月信一月兩至。或數日一至者。

當歸 白芍 人參 白茯苓

生地 各一錢 蒲黃 二錢 炒黑 香附 川芎

白朮 甘草 黃連 各八分

大棗二枚。食前溫服。

付榮湯 治月信每次數日不能止。或隔幾日復

微紅。

當歸 山梔 炒黑 地榆 牡蠣 各一錢

側柏葉 川芎 赤芍 生地 各一錢 二分

燈心三十莖。空心煎服。

和榮艾附湯 治一切經水不調。或先或後。久不孕

育。

當歸 川芎 條芩 香附

阿膠 各一錢 五分 黃連 知母

丹臺玉案 五卷 四十七



甘草

澤蘭葉

白芍

各八分

大棗五枚空心煎服。

寶珍丸

調經種子平和氣血滋補真元溫煖子宮。

牡蠣煨

桂心

當歸

龍齒

煨

益智仁

烏藥

各一兩

杜仲

石菖蒲

山茱萸

茯神

牛膝

各一兩二錢

川椒五錢

北細辛

半夏

乾薑

各六錢

人參

當歸

白芍

紫石英

各八錢

右為末蜜丸每服三錢空心白滾湯送下。

經閉

經閉者言新血滯而不流舊血凝而日積臍腹腰多痛血痕血風與熱入血室之症多自此始也然要其閉之之由或月事將臨之時適感暴怒肝氣一發血隨氣升而不下亦令經閉或月事適至之時因渴飲水并食生冷之物及坐水中洗浴寒氣入內血則凝滯亦能令人閉經也或因墮胎多產而傷其血或因久患潮熱而消其血或因久熱盜汗而耗其血或因脾胃不和飲食減少而不能生血或因思慮悲哀過



極。致心脾虧損。而不能養血。凡此之類。皆能令人經閉。其有肥白婦人。月事不通者。必是濕痰與脂膜壅滯之故也。若閨女經閉。多因恣食鹽酸煎炒。或逾年未嫁。或年未笄而思男。思傷心血也。寡婦經閉。因鬱悶百端。心火無時不起。或加之飲食厚味。遂成痰火。其症乍寒乍熱。面赤心煩。或時自汗。當隨所因而治之。其可一例施乎。

脉云

脉左寸沉心病。右寸弦關脉沉肝病。兩寸弱小屬虛。

滑屬實。寸關調如故。尺絕不至者。月水不利。

立方

疏通飲 治因感暴怒。以至經閉者。

青皮

官桂

木香

各一錢

當歸

香附

紅花

山查

桃仁

各二錢

酒煎空心服。

立行飲 治因食生冷。以至經閉者。

官桂

三錢

乾薑

廣木香

玄胡索

各一錢

牛膝

蓬朮

歸尾

山查

各一錢五分

丹臺玉案

五卷

四十九



酒煎空心熱服。

活血行經湯 治因坐冷水而得寒氣以至經閉。

大附子 官桂 各一錢五分 厚朴

香附 桃仁 紅花 山查

當歸 各二錢

生薑五片煎服。

逍遙散 治寡婦經閉。

白茯苓 白朮 甘草 白芍

柴胡 各一錢 歸尾 三錢 薄荷 八分 煨薑 二錢

酒水各一鍾空心服。

大黃膏子 治閨女經閉。

大黃 四兩酒浸焙乾

右為末以醋一碗熬成膏為丸如芡實大每服一

丸空心酒調下。

通經丸 一切經水不通面黃肌瘦。

桂心 當歸 川烏 炒 青皮 乾漆炒

大黃 酒蒸 川椒 莪朮 桃仁

乾薑 各等分



右為末。以米醋為丸。如梧桐子。每服三十丸。好酒送下。

牛膝散 治月水不通。臍腹作痛。或小腹引腰氣。攻致胃膈。

牛膝

官桂

赤芍

玄胡索

桃仁

各一兩

歸尾

丹皮

廣木香

各一兩五錢

右為末。每服三錢。空心温酒調下。

又方 治月信經年不來。久久不通。尋常藥服之不効者。

班猫

殭蠶

虫蟲

水蛭

各十箇

土牛膝

五錢

當歸

紅花

各三錢

滑石

二錢

右為末。每服一錢五分。桃仁七枚。研細。空心温酒送下。

送下

通經奇方

治一切經閉。

玉簪花

并葉

急性子

乳香

沒藥

各等分

右為末。以燒酒為丸。每服二錢。空心熱酒下。

疼痛潮熱

月水循環。纖疴不作。而後有子。若疼痛等症。必先去

疼痛潮熱

丹臺玉案

五卷

五十一



病而後滋血調經。經將來而先腰腹痛者，血滯而氣不順也。經既止而復腰腹痛者，血海空虛而氣不收也。經前有潮熱者，血虛有滯也。經後有潮者，血虛有熱也。尋常潮熱者，參看發熱門用藥。

立方

二香飲 治臨經時肚腹疼痛。

- 廣木香 當歸 香附 川芎 各一錢
- 青皮 牡丹 枳殼 生地 各一錢
- 蓬朮 各二分

生薑三片 空心煎服。

歸芍飲 治臨經并經後作痛。

- 當歸 白芍 川芎 白朮 各一錢
- 人參 生地 香附 陳皮 各一錢

大棗二枚 食前服。

交加地黃丸 治經水不調 血塊氣塊 肚腹疼痛。

- 老生薑 搗出汁渣 焙燥為末 生地 各八兩 薑汁浸
- 玄胡索 當歸 川芎 白芍 各一兩
- 廣木香 沒藥 桃仁 去皮 人參 各八錢



香附

四兩薑汁浸炒

右為末醋為丸每服二錢空心好酒送下。

濟陰丸

治經不調屢次過期。

香附

一觔分作四分一分童便製一分醋製一分艾湯製一分鹽水製一分

川芎

當歸

白芍

熟地

各四兩

阿膠

二兩蛤粉炒

右為末以香附留末一半打糊為丸每服三錢空

心滾湯送下

加減逍遙散

治經前潮熱

當歸

白芍

白茯苓

丹皮

各二錢

甘草

山梔

各一錢

燈心三十莖食遠服

奇効四物湯

治經後潮熱

當歸

白芍

川芎

生地

各一錢

阿膠

艾葉

黃芩

各一錢五分

大棗五枚空心服

血鼓門

血瘕

血腫

血風

熱入血室

婦人鼓脹雖有因於氣食而成者然成於血者則居

丹臺玉案

五卷

五十三

一

血鼓



多焉。成於氣食者。腹雖脹而經不閉。成於血者。其經必閉也。婦人之血恒有餘。故月見其血而不以為病。若閉而不通。則日積而充滿。其始發之時。小腹先膨。久則上連中脘。脹緊如鼓。青筋綻露。而血鼓之症成矣。其有因產後惡血不下。逆而上升。滲入於皮膚。充積於中宮。上騰於面。而成紫色者。此必死之症也。癍塊雖有因痰與氣食而成者。然成於血者居多焉。痰與氣食而成塊。雖成而不礙於經水。成於血者。經水雖來。亦必有時而斷也。此必因經水既來之

後尚有舊血未盡。偶感寒氣。或觸於怒氣。留滯於兩腋小腹之間。故成血癍也。

血腫與水腫不同。先因月信不通。而後腫。名曰血腫。乃瘀血化水。閉塞胞門。流走四肢。悉皆腫滿。比水腫更難治。先因小便不通。身面浮腫。而後經水不通。名曰水腫。治各不同。

血風者。經水逆上。攻於腦間。頭目悶迷。不省人事。甚至滿面滿頭。皆成赤斑者。此因經水適臨。感冒風邪所致。蓋風之為氣。善行而數變。其勢易上而難



下其經水爲風所激。故致倒流而上行也。  
熱入血室者。何以致之。必其經水臨行時。或犯熱症。  
因而經止。經隨熱而入於血室。則往來潮熱如瘧。  
之狀。而無定期。或一日兩三發者是也。熱久不止。  
傳於骨髓。多成骨蒸。

立方

破血散聚湯

治血鼓腫脹。堅硬如石。朝寬暮急。臍

凸發喘。

桃仁

紅花

歸尾

牛膝

各一錢

三稜

蓬朮

各二錢

蘇木

木通

官桂

青皮

穿山甲

各八分

酒煎空心服。

神仙蒸臍法

治血鼓血瘕血瘋等症。

方見噎膈門

桂紅丸

治血瘕血痞神効。

官桂

紅花

桃仁

當歸稍

阿魏

各一兩

廣木香

一兩五錢

白芷

蓬朮

血見愁

穿山甲

一兩二錢

右爲末。醋打米糊爲丸。每服三錢。蚤晚一服。酒下。



消腫丸 治血腫等症。

人參 當歸

大黃 九蒸過 各一兩

桂心 瞿麥

蘇木 白茯苓

葶藶子 廣木香 各一兩 四錢

木通 五兩

右為末以木通煎湯法為丸每服二錢空心米飲

送下。

消腫飲 治症同前。

五靈脂 肉桂

川芎 當歸 各一錢 五分

牛膝 青皮 各一錢 玄胡索 黑牽牛 各二錢

生薑五片空心煎服。

紫金錠 治血鼓并血痕血腫酒磨三錢服。方見痰門

祛風活血湯 治一切血風等症。

防風 當歸

川芎 各一錢 五分

荆芥 紅花

生地 桃仁

青皮 香附

天麻 各一錢 二分

水酒各一鍾煎服。

又方 治症同前。

蒼耳草 陰乾 小薊 陰乾



右為末。每服二錢。酒調下。

清熱涼血飲 治熱入血室。

麥門冬 丹皮 赤茯苓 各一錢二分

連翹 秦艽 生地 當歸

川芎 各一錢五分 黃芩 赤芍 各一錢

燈心三十莖不拘時服。

崩淋門

崩淋者其病相似而實不同。崩者如土之崩。源泉逆流而不禁。乃血熱而兼氣虛不能收攝也。淋者如水

之淋漓。艱澀而不通快。乃內有鬱熱而氣亦滯也。然崩則皆血。而淋則有赤白砂石之異。赤者屬血。白者屬氣。砂石者氣血之猶濁者也。治此病者。惟調其氣血清其內熱而已。

脉云

脉數小為順。洪大為逆。

立方

如神飲 治血崩來如湧泉。面黃肌瘦。

蒲黃 艾葉 升麻 黃芩

丹臺玉案

五卷

五十七



地榆各入分 歸身 柴胡 血見愁

黃連 山梔各一錢 紫荊皮二分

燈心三十莖空心煎服。

斷泉神秘丸 治一切遠年近日血崩等症并治婦

天癸當住行之不止。

牡蠣 山梔 黃連各一兩 陳棕煨灰存性

槐花各四錢 側柏葉 人參 黃耆各八錢

蒼耳草煨灰三錢

石為末搗小蘗汁藕汁以二汁為丸每服一錢五

分空心鹽湯送下。

秘方 治血崩初起一服立効。

當歸 蘄艾各一兩 升麻四錢 荊芥穗炒黑三兩

右為末每三錢空心童便調下即止。

又方 治崩淋經年不住手足俱有血絲露去血如

流者。

白芷一兩 百草霜 五靈脂 荊芥穗各八錢

赤石脂四兩 黃連四兩熬汁

右為末以黃連汁為丸如棗荳大每一錢空心白



滾湯送下。

膠連飲 治一切崩淋神効。

黃連

當歸身

阿膠各二錢

赤芍

芡實

澤瀉

車前子

牛膝

山藥

各七分

川芎

熟地

各一錢

水煎臨服加入童便一小鍾

帶下門

奇經八脉之中帶脉在腰如帶之狀婦人患帶下者病在帶脉也。雖有赤白總屬腎虛其病與淋相似然

淋病之所下者多散而薄必覺臭穢帶疾之所下者多滑而稠無腥穢之氣以此為辨耳。

脉云

脉濇而弱者洪數而促者皆為便濁白帶虛遲者生急疾者死。

立方

清氣養榮湯 治婦人氣血不調赤白帶下四肢倦

怠五心煩熱。

當歸

生地

香附

地榆

各一錢五分

帶下

丹臺玉案

五卷

五十九



白茯苓

澤瀉

丹皮

黃連

山茱萸肉

各八分

燈心三十莖空心煎服。

補元湯 治婦人久因經水不調氣血虛弱赤白帶

下神思倦怠。

人參

白朮

當歸

白茯苓

川芎

各一錢

白芍

生地

澤瀉

黃栢

各八分

伏龍肝

一錢即灶心土

甘草

三分

大棗二枚空心煎服。

保元湯 治赤白帶下。久久不愈。氣血虧損。

石斛

巴戟天

人參

白茯苓

各一錢

黃栢

柴胡

甘草

地骨皮

各七分

黃連

一錢二分

荆芥

知母

升麻

各六分

大棗二枚空心煎服。

大靈丹 治婦人一切赤白帶下。因此久不孕育。諸

虛百損神効。

當歸身

人參

各四兩

阿膠

三兩

川芎

牡蠣

天麻

各一兩八錢

生地

丹臺玉案

五卷

六十一



丹皮

續斷

何首烏

九蒸九晒

山梔

各二兩炒黑

甘草

八錢

右為末蜜丸每服三錢空心白滾湯送下

又秘方 治赤白帶下

赤石脂

一兩 川芎

五錢 紫荊皮

赤茯苓

各二兩

右為末醋打米粉糊為丸每服二錢空心酒下

懷孕藥忌

蚘蟹水蛭地膽蟲烏頭附子配天雄躑躅野葛螻蛄類烏喙側子及蝨蟲牛黃水銀并巴豆大戟蛇蛻與

蜈蚣牛膝藜蘆并薏苡金石錫粉及雌黃牙硝芒硝牡丹皮蜥蜴飛生及螻蟲代赭蚱蟬胡粉麝芫花薇節草三稜槐子牽牛并皂角桃仁蟻螬和芋根櫟根礪砂與乾漆亭長波流茵草中藿麥藹茹蟹爪甲蝟皮赤箭赤頭紅馬刀石蠶衣魚等半夏南星通草同乾薑蒜鷄及鷄子驢肉兔肉不須供切要婦人胎前忌此歌須記在心曾

懷孕食忌

凡受孕之後切宜忌不可食之物非惟有感動胎氣



之戒。然於物理亦有厭忌者。設或不能禁忌。非特延  
月難產。亦能令兒破形不壽。慎之慎之。雞肉糯米  
同食。令兒生寸白蟲。食薊魚鱸魚及鷄子。令兒成  
疳多瘡。食犬肉。令兒無音聲。鴨子桑椹同食。令  
兒倒生心寒。食螃蟹。令兒橫生。食鱉。令兒項短  
及損胎。食兔肉。令兒脣缺。雀肉同豆醬食。令兒  
面生黥黯黑子。豆醬同藿香食。令之墮胎。食雀  
肉。令兒不恥多淫。食山羊肉。令兒多病。食椒蒜。  
令兒損目。食生薑。令兒多指生瘡。食蝦蟇鱒魚。

令兒瘡癩。食驢騾馬肉。令兒延月難產。

胎前門

凡有胎孕者。當隨症調理。如一月二月經水不通。無  
病似病。呵欠倦怠。神思昏昏。手足軟弱。按其脉滑大  
而俱勻。或尺脉不絕者。此孕脉也。脉訣云。肝為血兮。  
肺為氣。血為榮兮。氣為衛。陰陽配偶。不參差。兩臟通  
和。皆類例。血衰氣旺。定無姪。血旺氣衰。應有體。寸微  
關滑。尺帶數。流利往來。并雀喙。小兒之脉。已見形。數  
月懷胎。猶未覺。經云。陰搏陽別。謂之有子。搏者近也。



陰脉逼近於下。陽脉別出於上。陰中見陽。卽滑脉是也。脉滑而動。是謂陰施陽化。法當有子。足少陰脉動甚者。孕子也。手少陰屬心。足少陰屬腎。主精。精血交會。投識於其間。則有娠。又三部脉沉正等。無病而經不至者。妊也。脉經云。左手尺部脉浮洪者。男胎也。右手尺部浮洪者。女胎也。兩手尺部俱洪者。爲兩男。俱沉實者。爲兩女。又云中。指一跳一止者。一月胎。二止者。二月胎也。此娠妊脉之舊例如此。然邇來運氣變遷。其脉有異於前法者。往往不同。

一月始露珠。名曰胎胎。足厥陰肝脉養之。夫十二經皆養胎者也。而肝經獨養於初妊之時。何也。蓋胎者。血之始。成而肝則血之所藏。造化之相爲合也。然受氣之始。則何經以主之。曰。足少陰腎經也。天一生水。得氣最先。故男子先生左腎。女子先生右腎。而婦人右腎亦以繫胞。爲胎之根抵。先天眞一之氣。發此以爲之。朕兆耳。足厥陰養胎。多有惡心嘔逆。謂之惡阻。蓋肝常有餘。本不能容物。而今乃有妊。則肝氣爲胎所礙。不得發泄。故惡心嘔逆也。



過此則別經養胎。而惡阻之病息矣。

二月如桃花瓣。名曰胎膏。足少陽膽脈養之。此時腹中或動或不動。猶可狐疑。若吐逆思酸。有孕明矣。三月如蠶繭。斯謂之胎手。厥陰心胞絡脈養之。其脈滑疾。重按之則散。男女未有定形。宜用變女爲男。是月相火所主。胎最易墜。宜慎之。

四月男女以分。男思酸味。女思淡味。始受水精以成。血脈。手少陽三焦脈養之。其左脈疾者爲男。右脈疾者爲女。左右俱疾。當生雙產。

五月始受火精。以成陰陽之氣。足太陰脾脈養之。脾主四季。五月之時。兒四肢皆成。按其脈。重手按之不散。但疾不滑者。五月脈也。若脈緊。必胃阻。脈遲者。必腹滿喘急。脈浮者。必水氣作腫。

六月始受金精。以成其筋。足陽明胃脈養之。脈喜弦。長遲濇。則防墜。五六月胎不安者。或腹微痛。或腰痛。或飲食不美。用安胎飲。或固胎飲。

七月始受木精。以成其骨。手太陰肺經養之。男向左脇動。女向右脇動。脈滑疾者。胎動不安。若暴下惡。



水多者。其胎必墜。謂之非時。孤漿預下。即服安胎飲。

八月始受土精。以成皮膚手陽明大腸經養之。脉實大弦緊者。生子多壽。沉細微弱者。子亦不祿。如胎不安者。即服固胎飲。

九月始受石精。以成皮毛百節。俱備足少陰腎經養之。宜服達生散。

十月五臟六腑俱全。納天地之氣於丹田。自當正產。宜服滑胎飲。

立方

八珍湯

治娠妊體弱氣血不和。

當歸

川芎

白茯苓

生地

白朮

人參

甘草

芍藥

各一錢 各一錢 五分 八分

大棗二枚。臨臥煎服。

參橘飲

治娠妊惡阻嘔吐喜酸惡食。

人參

陳皮

厚朴

藿香

白朮

各一錢五分

淡竹茹

五分

生薑五片。不拘時服。



保生湯 治婦人經後不調。或不行。身體無病。精神如故。惡聞食氣。或嗜酸物。或時吐清水。或六脉俱勻。滑大。乃是孕脉也。切勿作寒病治之。宜服此劑。

烏藥

橘紅

香附

艾葉

人參

白木

各一錢五分

甘草

五分

生薑五片。不拘時溫服。

護胎散 治娠妊二三箇月胎氣不安。嘔吐不止。腰膝酸疼。或有紅來。

白木

人參

黃芩

各二錢

阿膠

艾葉

砂仁

各一錢五分

薑三片。黑棗二枚。食前煎服。

安胎飲 治娠妊胎氣不安。及胎痛。

陳皮

白木

當歸

生地

砂仁

香附

各一錢

白芍

黃芩

川芎

各一錢二分

黑棗二枚。空心煎服。

和胎飲 治娠妊下血。謂之漏胎。

阿膠

鹿角屑

熟地

蘄艾

各一錢五分



白朮

黃芩

甘草

砂仁

各一錢

大黑棗二枚空心煎服。

靈効散 治娠妊尿血比漏胎更甚。

當歸

生地

赤芍

川芎

山梔

血餘

升麻

龍骨

各三錢煨黃芩水浸

艾葉

五錢

右為末每服二錢空心童便調下。

乾桃散 治娠妊下血不止。

乾桃

乃樹上乾不落地榆各等

右為末每服二錢空心白滾湯調下。

奇聖散

治症同前。

雄鷄肝三箇地榆二錢酒一碗煮熟食之即止。

温胎飲 治娠妊遺尿不禁。

北五味

蘄艾

大茴香

各二錢

牡礪

川芎

各一錢二分

生薑三片食遠服。

又方 治症同前。

益智仁

白薇

白芍

各等分

丹臺玉案

五卷

六



右爲末。每服二錢。加鹽三分。滾白湯調下。

通便飲 治娠妊小便不通。因胎壓膀胱。以致閉塞。

赤茯苓 人參各一錢 車前子 龍膽草

木通各二錢 甘草稍 川芎各六分

燈心三十莖。空心煎服。

滑胎散 治娠妊臨月。宜多服之。瘦胎易生。

枳殼二兩 滑石 粉草各一兩

右爲末。每服二錢。白滾湯空心調下。

達生散 娠妊一上九箇月。日日宜服。并臨產服之。

白芍 黃芩 紫蘇 枳殼各八分

陳皮 甘草 當歸 川芎各七分

人參 大腹皮各一錢

黑棗二枚。不拘時煎服。

固胎飲 治胎氣不固。常欲小產。

當歸 白芍 川芎 熟地

阿膠各一錢 香附 白朮 黃芩

砂仁各八分 糯米百粒

水二鍾。不拘時服。



芩朮飲 治娠妊泄瀉不止。久則傷胎。

白朮 白茯苓 香附各六分 黃連酒炒

澤瀉 陳皮各一錢 五味子 砂仁炒

人參 山藥各八分

黑棗二枚。空心煎服。

連香飲 治娠妊痢疾。恐其墜胎。

廣木香 黃連 白朮 白茯苓各一錢

白芍 甘草 陳皮各六分

燈心三十莖。不拘時煎服。

子煩

娠妊苦煩者。乃肺臟虛而熱乘於心。則煩燥悶亂。因火剋肺金。故令其煩也。

茯歸煎 治娠妊心驚膽怯。終日煩悶。

茯苓 當歸 麥門冬 黃芩各二錢

淡竹葉二十片

燈心三十莖。不拘時服。

麥冬湯 治娠妊煩燥。胎氣不安。

白茯苓 人參各二錢 麥門冬 防風各二錢五分

丹臺玉案 五卷 完

子煩



淡竹葉

片十五

生薑五片。空心煎服。

除煩清心丸

治膽怯心驚煩燥口苦。

知母

黃連

天冬

各一兩

麥冬

一兩五錢

硃砂 三錢

右為末。荷葉湯丸。硃砂為衣。每服二錢。空心白滾

湯送下。

子懸

娠。氣逆。湊上。胃膈滿。疼。痛。甚。則。一。時。悶。絕。者。謂。之。

子懸也。

紫蘇飲

治娠妊子懸。

紫蘇

白芍

當歸

各八分

川芎

陳皮

大腹皮

人參

各一錢

甘草

五分

蔥頭五枚。食遠服。

秘驗方

治娠妊。氣血不和。懷胎近上。逼心疼痛之

甚。

白朮

黃芩

各二錢

艾葉

三錢

蔥白七莖。不拘時煎服。

丹臺玉案

五卷

子

子懸



子癇

娠妊頭項強直筋脉攣急語言蹇蹇痰涎壅盛昏昏不識人時醒時作者子癇也。

羚羊角湯 治一切子癇。

羚羊角 三錢

棗仁 五加皮

獨活 各一錢 防風

當歸 川芎

羌活 各八分

生薑五片不拘時服。

如痰涎多加貝母陳皮。

子淋

娠妊受濕滲於膀胱積熱不行以致淋瀝腹中疼痛是也。

清利飲 治子淋濕熱不行肚腹作痛。

木通 白茯苓 麥門冬 車前子

大腹皮 各一錢 五分 淡竹葉 十五片

燈心三十莖食前服。

又方 治娠妊因傷於房事以致淋瀝。

人參 當歸 川芎 澤瀉

子癇子淋

丹臺玉案

五卷

七十一



猪苓 各一錢五分

肉桂

白茯苓 各八分

大棗五枚。食前服。

子腫

娠妊身腫。小便不利。腹大異常。高過心胃者。胎中蓄水所致。亦有煩渴引飲太過。變為泄瀉。傷損脾胃。虛不能制水。故胎腫耳。

鯉魚湯 治一切胎氣。

當歸

茯苓

白芍

各三兩

白朮

五兩七炒共為末

鯉魚

一尾破洗畱鱗

右為末。以鯉魚白水煮熟取汁。每汁二盞。入末五

錢。生薑七片。再煎空心服。

子氣

娠妊單止。腿足發腫。以致喘悶。甚則脚指間有黃水流出。即是子氣也。

千金飲 治一切子氣。

廣木香

防已

五加皮

地骨皮

各一錢二分

桑白皮

紫蘇

木瓜

各一錢

燈心三十莖。食遠服。

子腫子氣

丹臺玉案

五卷

七十三



子瘖

娠妊三五箇月忽然失音不語或至九月而瘖此可不必治也分娩之後不藥而自愈蓋係於腎腎脉貫舌為胎氣所約故不能言矣

腹內兒哭

腹內兒哭者臍帶疔瘡兒含口中因妊婦登高舉臂脫出兒口為此作聲令妊婦曲腰就地如拾物仍入兒口即止

黃連湯 治腹內兒哭

黃連一兩煎濃汁時時呷之

又方 用房中多年鼠穴中上為末酒下一錢  
娠妊服藥禁汗吐下三法并鍼灸

臨產門

娠妊之難產其因不一有在一月之前忽然腹痛大作如欲產而不產者謂之試月有將臨月時腹痛或作或止一二日或三四日謂之弄胎有漿水淋漓來少名試水雖臍腹痛而腰不痛者俱非當產若腹痛連腰者即產

子瘖  
腹內兒哭  
臨產

丹臺玉案

五卷

十三



婦人小腹之下。陰戶之上。有骨高起。中有節。駝相湊。未產則合。一臨產則分開。謂之交骨。此造化之巧。爲男女生育之大關隘也。雖兒頭向下。其勢已順。而交骨不開。終難生產。立見危殆。產婦橫生。一臂先下。乃兒在母腹轉運偏側。筋斗未翻。內有所礙。而不得遂也。逆產者。兩足先下。必是母腹中脂膜窄狹。兒不得轉運而直下。此皆因勞力挫閃。悞傷其胎。以致如此。兒湊心不下者。其手必捧母心。多致母子俱歿。必以

藥引入心。分解兒手。方可得下也。蓋兒手裏捉物最緊。藥氣一到。兒手自軟解開。

子歿腹中者。腹必悶痛兼冷。畧無動意。面如土色。其舌又黑是也。故試驗云。面黑舌不黑。母死子活。舌黑面不黑。母活子歿。此之謂也。

或有未曾受蓐。腹中畧痛。而胞水未破。乘勢而下。固爲大幸。設或胞水漏乾。惡露出盡。其兒不能生。苟無法下之。則母子俱不可保矣。

假如生產胞衣不下者。不可視以爲細。故而忽之。多



有升至心而死者。

有盤腸生者。臨產之時。母腸先出。然後兒下。

脉云

歌曰。欲產之婦。脉離經沉細而滑也。同名夜半覺痛。應分誕來。朝日午定知生。又有大小不調勻。或如雀啄屋漏。應腰疼腹痛。眼生花。產在須臾。却非病。

立方

濟生飲 治將產試月。弄胎試水。腰痛。

牛膝

枳殼

香附

粉草

川芎

各一錢 當歸 二錢

大腹皮

紫蘇

各一錢五分

水煎。卽刺熱服。

促胎方 治臨盆交骨不開。不能分娩。急用此藥。

急性子

穿山甲

麝香

各三錢

右爲末。以蜜搗和。作指頭。麈尾子。塞入陰戶。近骨處。又以蔥二三。觔煎湯。令產婦坐浸於中。以手運之。骨自開矣。

全生飲 治橫生。將兒手輕輕納入戶內。逆產者。不可以兒脚推進。急服此劑。



麝香 八分

蛇蛻

血餘

蟬蛻 各煨灰存性二錢

右為末。每服二錢。滾酒調下。

至寶散 治兒捧母心

乳香 五錢

麝香 六分

官桂 一錢

右為末。作一服酒送下。

奪命丹 治子歿腹中

丹皮

官桂

赤芍

桃仁

芒硝 各等分

右為末。每服四錢。滾酒送下。

靈効散

治胞衣不下

花蕊石 一兩

硫黃 四兩

入罐鹽泥封固煨過

右為末。每服一錢。滾湯下。

又方 以頭髮含口中作惡即下

車前四物湯 治胞水漏乾。兒不能下。服藥時即以

燭油塗產戶內。

當歸 一兩

車前子 四兩

生地

川芎

赤芍 各五錢

水煎臨服時加酒釀一鍾同服。

丹臺玉案

五卷

三



磁石湯 治盤腸生。服藥時。以草蘇子四十九粒。搗爛塗產婦頭頂。卽上。

磁石四兩煎湯。先以磨刀水拭潤其腸。再服磁石湯。卽上。

回生至寶丹 治臨產艱難。或胎衣不下。產後血暈。不省人事。或崩惡露不止。腹中刺痛。血滯浮腫。氣血相搏。身熱頭疼。寒熱往來。并一切危急惡異諸症。灌下一丸。頃刻回生。

當歸

川芎

熟地

烏藥

玄胡索

桃仁

去皮尖

白茯苓

蒼朮

香附

蒲黃

牛膝

白芍

甘草

陳皮

木香

三稜

醋炒

五靈脂

羌活

地榆

人參

白朮

土炒

青皮

木瓜

各一兩

良薑

入錢

乳香

沒藥

各三錢 共為末

蘇木

敲碎。以水五碗煎汁

三碗。夫渣存用

紅花

各三兩。炒黃色。入酒二碗。煮三五沸。去渣存用

黑豆

三升。煮熟。去豆。存汁

大黃

一觔。為末

右先將大黃末。以醋三四碗攪。次下蘇木紅花。



黑豆等汁。同熬為膏。如有粘鍋底者。刮起焙乾為末。和前藥末為丸。如彈子大。每一丸老酒調下。

兔腦丸 治一切難產。或橫逆捧心生者。

母丁香 乳香 麝香 一錢 兔腦 臘月者佳 去皮膜

辰砂 一錢五分

右為末。以兔腦為丸。如芡實大。辰砂為衣。每服一丸。溫水送下。即產。男左女右。握於手中而出。

產後諸症

娠妊既產之後。臟腑受傷。血氣俱積。為病甚多。不可

不審。條列於後。

婦人新產。忽覺昏暈。口噤眼合。面如土色。欲倒者。乃惡血衝心也。名曰血運。令人持住。勿使臥下。即以熱醋向鼻噴之。即醒。

產後恍惚謔語。舞手掉頭。口流涎沫。少醒又發。有似敗血衝心。其實因痰犯心。胞絡也。蓋敗血衝心。昏迷不能少醒。而痰犯心。胞。但昏迷。有時而醒。覺耳。產後發狂。跳躍不顧羞恥。欲上屋者。非顛也。乃各經之血。一齊乘虛上升。迷其心竅。而下部惡血。又相



奔騰其勢上而不下故發狂跳躍不能自禁也  
產後腹痛不可盡作惡血不行須看新久若初產腹  
中有痛陣如將產之狀腹皮又寬軟又若運轉不  
寧乃是雙胎若經一二日腹痛者惡血停滯而未  
盡去也名曰兒枕塊若惡血已收而腹中如芒刺  
者翕翕無力乃空痛也不可復以行血之劑治惟  
養血而已

產後腰痛多是惡血停積於兩腎空隙之處其痛重  
急不能轉側得熱物慰之則緩者是也若兩腎疼  
痛翕翕然如不能呻氣者虛也

產後下血不止者看其血之紅紫紫為舊血任其下  
紅為新血宜止之再補然紫者既盡必繼之以紅  
紅者既盡必繼之以淡此必然之勢也宜斟酌治  
之

產後瘧疾適值秋七八月間發者方可以瘧治若春  
夏及冬時而發者非其時而有其氣謂之非瘧而  
似瘧必是產後風食所傷氣血兩虛也  
產後傷寒決不可用汗下之劑以其氣血俱虛汗則



亾陽而傷氣。下則亾陰而傷血。若犯麻黃。大黃。多致不救。惟以和解爲主治。而以血藥佐之。  
產後中風危疾也。若外有六經之形症。內有便溺之阻塞。皆難治之症。唯口眼喎斜者無事耳。若忽然角弓反張。目定項強者。必平素有痰。風邪乘虛而入。風痰交作。壅塞經絡。致使榮衛不通。痰氣上逆。似中而非中也。若又汗出不止。或遺尿不禁。其死必矣。

產後瀉痢甚者。死多生少。不甚猶可施治。然瀉比於痢。則痢爲猶難。而瀉全在調理。大抵瀉者以補脾爲主。而以消食藥佐之。痢則以扶脾消食爲主。而以血藥佐之。

產後身熱不止。口乾煩渴。日晡尤甚者。血虛也。宜大補其血。不宜寒涼之劑。反佐以溫熱。則熱自除矣。乍寒乍熱。不可便作外感治。先審其乳房脹痛。乳汁行否。乳汁不行。發寒熱者。氣滯也。乳汁行過而發寒熱者。必審其小腹痛否。痛若手不可近。必敗血不散。入於肺則熱。入於脾則寒。腹不作痛而發寒。



熱者。實是氣血虛。氣虛則寒。血虛則熱也。若心胃飽悶。發寒熱者。非飲食所傷。必切其脉。若浮數者。方是感冒寒熱也。

四肢浮腫者。因敗血停滯不行。流入四肢。日久化血為水。若作水氣治。而用導水之劑。則虛而愈虛矣。或血停脾胃。必致腹脇脹悶。嘔逆惡心。或血入肺經。必至面黑。欲喘欲死。或血悶心竅。必致神志恍惚。語言不明。舌根強硬。

心痛。此因產後氣虛。偶為外寒所侵。搏於血分。凝滯不得消散。其氣逆上。沖擊於心經也。

遍身痛。腰背不得轉側。手足不能動搖。此敗血流凝不散。以致腹痛。若飲食停滯者。必惡食吞酸。瘀血痛。必手不可按。虛寒痛。必四肢厥冷。小腹痛。瘀血不盡。大便不通。枯澀。因去血太多。大腸乾涸。小便不通。因津液燥竭也。

喘有二。有氣血暴絕。有瘀血凝滯。咳嗽有血。虛有肺氣虛。有風寒。有瘀血。產門不閉。生腸不收。陰戶及子宮脫下。皆由氣血虛。



弱也。

脉云

訣曰。新產之脉緩滑吉。實大弦緊死來侵。若得浮弱。小者吉。忽若堅牢。命不停。

立方

逐瘀湯。治產後瘀血凝滯。頭疼發熱。胃膈不寬。肚腹絞痛。

當歸

紅花

生地

官桂

烏藥

桃仁

去皮尖各一錢五分

酒水各一鍾煎服。

清血散。治產後血暈。

澤蘭葉

當歸

荆芥

各一兩

川芎

五靈脂

各六錢

右為末。每服二錢。酒灌下。外以醋炭薰之。即醒。匙金。治產後血入心經。錯語亂言。心神恍惚。

真血竭

二兩

沒藥

一兩

右為末。每服一錢。童便調下。

芎歸飲。治產後惡血衝心。發狂跳躍。

丹臺玉案

五卷

全



當歸 二兩 川芎 一兩

水煎臨服加童便一椀。

安平飲 治產後一二日肚腹絞痛瘀血凝滯。

桃仁 紅花 山查 歸尾

益母草 各二錢

酒水各半煎服。

勻氣飲 治產後腰痛不能轉側惡血不甚下者。

烏藥 當歸稍 桃仁 各一錢

杜仲 牛膝 官桂 各一錢 川芎 五分

水煎臨服加酒一椀。

斬龍散 治產後下血不止

蒲黃 炒黑 棕皮 煨灰 各五錢 鹿角

烏梅 各一兩 當歸 赤芍 川芎

生地 地榆 各一兩 五錢

右爲末。每二錢空心滾水加童便調下。

橘半飲 治產後瘧疾。

當歸 柴胡 生地 各八分 白芷

半夏 橘紅 山查 川芎 各一錢

丹臺玉案 五卷 全



生薑三片。不拘時服。

羌蘇飲 治產後傷寒。忌汗吐下三法。以和解取微汗。

羌活

香附

紫蘇

各一錢五分

當歸

一錢

白芍

柴胡

陳皮

各一錢二分

蔥白三莖。不拘時服。

加減續命湯

治產後中風。不省人事。口眼歪斜。半身不遂。語言蹇澀。手足顫搖。

杏仁

官桂

膽星

橘紅

各八分

川芎

防風

人參

黃芩

附子

各一錢

甘草

五分

生薑五片煎服。

祛風豁痰湯

治產後血虛風痰壅塞。似中非中。

陳皮

瓜蒌仁

半夏

紫蘇子

各八分

烏藥

川貝母

防風

當歸

各一錢

生薑三片。臨服加竹瀝一小鍾服。

調榮湯 治產後痢疾。

白茯苓

當歸

生地

山查

各一錢



赤芍 木通 香附 丹皮 各六分

川芎 甘草 各五分

烏梅五箇煎服。

清熱飲 治產後身熱不止。

當歸 人參 生地 白芍 各一錢二分

地骨皮 丹皮 香附 各一錢 紅花

沙參 續斷 各八分

大棗五枚臨臥煎服。

調衛飲 治產後發寒皆緣乳汁不行以致多寒。

廣木香 木通 枳殼 各八分 當歸

穿山甲 漏蘆 柴胡 各一錢 甘草 三分

水酒各一鍾食後煎服。

琥珀調經散 治產後浮腫。

琥珀 五錢 白芍 當歸 各三兩 沒藥

肉桂 細辛 各四錢 甘草 麝香 各一錢

右為末每服一錢五分食遠酒調下。

七珍散 治產後血閉心竅疼痛悶絕不省人事。

防風 人參 五靈脂 各五錢

丹臺玉案 五卷 全



細辛

生地

石菖蒲

各一兩

右為末。每服二錢。白滾湯調下。

愈痛丸 治產後遍身疼痛。

當歸

白芍

羌活

川芎

香附

各二兩 艾煮

肉桂

五錢

玄胡索

桃仁

各八錢

乳香

沒藥

各三錢 箸炙去油

右為末。以酒為丸。每服二錢。空心白滾湯送下。

潤腸湯 治產後大腸枯燥大便不通。

當歸

桃仁

棗仁

生地

杏仁

各一錢二分

青皮

二錢

水煎臨服加生蜜五錢調服。

利便飲 治產後小便不通。

木通

當歸

車前子

生地

各一錢

白芍

川芎

白朮

澤瀉

各八分

甘草

三分

燈心三十莖。空心煎服。

補元湯 治產後產門不閉。

人參

三錢

熟地

白朮

丹臺玉案

五卷

全



紫河車

白芍 各一錢二分

五味子

升麻

各三分

大棗十枚不拘時服。

補中益氣湯

治產後陰戶及子宮脫下不收先以

五倍子煎湯浸洗再以五倍子白礬為末摻上再

服此劑。方見脾胃門

和血理氣散

治產後忽然下血成片相似崩漏。

當歸

白鷄冠子 花白芍 各一兩

木香 三錢

熟地

香附

人參

阿膠

各五錢

側柏葉

炒蒲黃 炒黑各六錢

右為末每服二錢空心米飲調下。

飛步飲 治產後虛極足軟不能行步。

人參

白朮

土炒當歸

牛膝

蓮子

各一錢五分去心

大棗五枚不拘時煎服。

產後不治之症有三痢疾不食口鼻黑色鼻衄喘急。

犯此三者凶多吉少。

丹臺玉案五卷 終

丹臺玉案

五卷

全七







